

سُبُوْحُ الْفَرَقَانِ

Slot: Kuliah Maghrib
Tarikh: 7 Okt, 2008/ 7 Syawal 1429H
Tajuk: Konsep Bermaafan di Aidilfitri
Penceramah: Ustaz Dr Shihabudin



Bulan Syawal adalah bulan kemaafan. Maaf dalam **bahasa Arab** ialah “**A’affun**” . Hendaklah kamu saling memberi maaf dan berlapang-dadallah mengampunkan kesalahan orang lain.

A. Antara punca menyebabkan keengganan meminta maaf ataupun memaafkan kesalahan orang lain.

1. Luka yang terlalu parah yang masih berdarah terpendam sekian lamanya.
Memori masa lalu yang amat memedihkan hati nurani
2. Kerana rasa diri teraniaya, dianiaya dan dizalimi orang lain
3. Terlalu cemburu (kecemburuan yang amat)
4. Rasa dianaktirikan atau dinombor-duakan dalam apa jua segi pembahagian
5. Kerana ego atau sombong - aku siapa dia tu siapa ? Siapa yang buat salah dulu?
6. Perasaan negatif. Ada adik beradik bergaduh hingga abang sanggup bersumpah mengharamkan si adik datang ke rumah hingga menyebabkan diri si adik teringat-ingatkan kata-kata abangnya yang tidak membenarkan si adik mengunjungi rumah si abang
7. Kerana keturunan. Sebagai contohnya, pergaduhan warisan sehingga ibubapa memaklumkan pada si anak jangan sekali-kali bertandang ke rumah saudara-saudara yang dimusuhinya
8. Hati yang masih kotor, busuk dan tidak boleh terima maaf orang lain atau enggan memohon maaf pada orang lain
9. Rasa bersih diri, rasa dirinya suci dan tidak ada buat salah dan silap pada seseorang

Ini adalah 9 faktor-faktor yang menyebabkan seseorang Islam tidak mahu memaafkan kesalahan orang lain atau meminta maaf pada orang lain.

Peringatan : Barang siapa yang berdendam sesama Islam, Allah tidak akan terima solat, ibadat, dan segala amalan kebaikan yang kita buat pada Allah.

B. Kesan-kesan Negatif Akibat Tidak Mahu Memaafkan Kesalahan Orang Lain:-

1. Hati senantiasa di dalam keadaan kesakitan yang berpanjangan dengan sikap ego yang ada pada diri sendiri
2. Minda negatif, otak kotor, perangai jahat/buruk yang timbul berpanjangan. Kalau boleh di dalam bulan Syawal tutup kisah yang lama dan buka lembaran yang baru
3. Prestasi makin buruk, contohnya rumahtangga menjadi kelam kabut, kemurungan di tempat kerja, sikap malas bekerja, dan penurunan nafsu syahwat.
4. Hubungan akan terganggu/terganggu
5. Banyak masalah yang tak dapat diselesaikan atau tidak tahu bagaimana hendak menyelesaikannya sendiri
6. Kawan rapat/terdekat akan menjauhkan diri
7. Keberkatan hidup akan diambil balik/ditarik balik oleh Allah swt
8. Cepat tua, muka cepat berkedut - mengikut ahli psikologi, sikap terlalu ego menyebabkan kehilangan seri muka
9. Doa takkan dimakbulkan oleh Allah swt mungkin dengan kesombongan atau ego yang tidak mahu memaafkan kesalahan orang lain atau tidak mahu memohon maaf pada orang lain
10. Allah akan campak ke dalam azab neraka

Allah akan haramkan neraka bagi manusia yang

1. Lembut hatinya
2. Rapat/mesra dengan orang lain
3. Mudah berurusan dengan orang lain

C. Cara-cara agar mudah memaafkan kesalahan orang lain dan meminta maaf pada orang lain

1. Belajar berlapang dada, berjiwa besar demi membentuk jiwa yang boleh memaafkan orang lain, meminta maaf pada orang lain walaupun tidak membuat salah.
2. Membentuk jiwa peribadi yang redha dengan ketentuan Allah
3. Belajar jadi orang yang bersyukur dengan nikmat Allah dan pemberian Allah
4. Selalu mensucikan jiwa, bersihkan jiwa/hati dengan zikrullah, istighfar, baca Al-Quran agar mudah memaafkan kesalahan orang lain
5. Minta bantuan orang lain, orang yang pakar, orang yang ahli atau pakar psikologi dengan menyatakan masalah yang dihadapi
6. Berteman dengan orang yang baik dengan keberkatan mudah-mudahan akan baik.

7. Saling ziarah-menziarahi, bersemuka, saling bertentang mata, berjabat tangan dan bersalam-salaman akan menghilangkan dendam kesumat dalam hati kita dan Allah akan ampunkan dosa-dosanya
8. Banyakkan berdoa pada Allah agar dilembutkan hati kita, banyakkan membaca surah An-Nashrah, Ayat Kursi, surah Toha ayat 1 hingga 5 dan ayat 25 hingga 28. Umar Al-Khattab yang keras hati membaca surah Toha ayat 1 hingga 5 dan lembut hati terus memeluk agama Islam
9. Ingat mati, ingat akhirat dan ingat hisab Allah swt

D. Kesan-kesan positif yang membolehkan seseorang memaafkan kesalahan orang lain atau meminta maaf pada orang lain atas kesalahan yang dilakukan

1. Hati rasa gembira (happy)/hati bersih
2. Jiwa yang tenang/tenteram
3. Otak jadi cemerlang
4. Penyakit/sakit akan cepat sembuh. Apabila seseorang Islam saling bermaaf-maafan, berpelukkan antara satu sama lain akan menyebabkan badan jadi sihat, kuantiti darah akan naik, system imuniti ataupun antibodi semakin kuat dengan kelebihan yang Allah berikan. Begitu juga apabila bersolat dengan bersentuh kaki serta bersentuh bahu antara satu sama lain akan membolehkan rasa sihat selalu.
5. Wajah akan makin berseri-seri, awet muda dan memancarkan sinar di wajah seseorang. Barangsiapa memperbanyakkan hubungan silaturrahim Allah panjangkan umur dan dimudahkan rezeki mereka
6. Doa akan makbul dalam pandangan Allah swt
7. Pintu keberkatan akan dibukakan oleh Allah swt dan senantiasalah bersilaturrahim
8. Akan menguatkan tenaga zahir dan batin
9. Semangat hidup makin meningkat
10. Akan dipermudahkan oleh Allah swt jalan ke syurga

JANGAN SIA-SIAKAN PELUANG BERMAAF-MAAFAN DI BULAN SYAWAL